

վերաբերում է բանադրանքին, վատ քահանան չի կարող արգելել պատուաւոր քրիստոնեաներին հաղորդակցութիւն ունենալ բոլոր մարդկանց Փրկչի հետ եւ որ, վերջապէս, կասկածից դուրս է, որ իրենց պատրիարքը՝ վերցնելով վրաներից բանադրանքը՝ արեւելքից կ'ուղարկէ շատ վարդապետներ, որոնք կը միանան իրենց Տրիէստում նոր վանք հիմնելու համար:

«Ես ոչինչ չգտայ առարկելու նման դատողութեանց, բայց մի ուրիշ անգամ հարցրի, թէ ի՞նչ պայման են դնում իրենց առաջուան վանասօր, որ վերադառնան Վենետիկ:

«Վարդապետներից ամենէն խելահասը ինձ պատասխանեց, թէ առաջին պայմանը այն պահանջն է, որ վանահայրը յետ առնէ մարկիզ Սեղբոսից այդ 400,000 ոսկին, որ փոխ է տուել նրան չորս տոկոսով:

«Այդ 400,000 ոսկին կազմում է հիմնական դրամագլուխը Ս. Ղազար վանքի, ուր Սուրբ Բարսեղի կարգին պատկանող հայ վարդապետները հաստատուել են հարիւրաւոր տարի առաջ:

«Այդ դրամագլուխը կազմուած է ազդի ջանքերով, եւ վանահայրը իրաւունք չունի նրա վերաբերմամբ կարգադրութիւն անել նոյնիսկ միաբանների մեծ մասի համաձայնութեամբ: Եթէ պատահի որ մարկիզ Սեղբոսը իրեն անանկ յայտարարի, վանքը կը մնայ առանց միջոցի: Եւ ճշմարտութիւն է, որ վանահայրը այդ կարեւոր դրամագլուխը փոխ է տուել իր անձնական քահանայքով:

«Մարկիզ դէ Սեղբոսը հայ վաճառական է, որ ապրում է Վենետիկում, ուր նա թանկագին քարերի խոշոր առեւտուր է անում եւ վանահօր մտերիմ բարեկամն է:

«Ապա ես իմ հայրերին հարցրի, թէ ուրիշ ի՞նչ պայմաններ ունին. նրանք ինձ ասացին, թէ միւս պայմանները վերաբերում են վանական կարգապահութեան եւ հեշտութեամբ կը կարգադրուին: Նրանք աւելացրին, որ դրաւոր կերպով էլ կը տան իրենց պահանջները, հէնց որ ես ի վիճակի լինիմ վստահացնելու, որ Սեղբոսն այլեւս իր ձեռքում չունի իրենց դրամը:

«Այսպէս սկսուեց իմ աշխատանքը՝ այս գործում: Ես գրի առի այս ամէնը եւ զեկուցումս ուղարկեցի Ինկուիզիտորներին ատենանին:

Վեց շաբաթ յետոյ ստացայ պատասխան, թէ վանահայրը հնարաւորութիւն կը գտնէ դրամատուն դնելու յիշեալ գումարը, բայց նախօրօք ուզում է մանրամասնօրէն իմանալ, թէ որո՞նք են պահանջուած կարգապահական բարեփոխութիւնները:

«Նրբ ես կարգապի այս պայմանը, որ տրամադծօրէն հակասում էր իմ գրածին, վճռեցի հրատարուել այդ գործից: Բայց այն, որ ինձ հարկադրեց փութացնել հրատարականս, այն մի քանի խօսքերն էին, որ ինձ ասաց կոմս Վազենրեզը: Նա ինձ հակացրեց, թէ ինքը տեղեակ է, որ ես չորս հայ վարդապետներին ուզում եմ հաշտեցնել իրենց վանահօր հետ եւ որ այդ պարագան իրեն համար հաճելի չէ. «Որովհետեւ, ասաց նա, դուք այդ ձեռնարկում չէք կարող յաջողութիւն ունենալ առանց անախորժութիւն պատճառելու այն երկրին, ուր դրոնը կը եւ որին պէտք է լինէք բարեկամ, որովհետեւ ձեզ այստեղ համարում են բարեկամ եւ որպէս բարեկամի հետ էլ վարուում են»:

«Ես չդժուարացայ պատմել նրան ամբողջ գործը՝ հաւատացնելով նրան, որ երբեք չէի ստանձնի այդ յանձնարարութիւնը, եթէ ներքնապէս համոզուած չլինէի, թէ չպիտի յաջողուի, որովհետեւ ես տեղեկութիւն էի ստացել հէնց Վենետիկից եւ աներկբայելի ձեւով, որ մարկիզ դէ Սեղբոսը բոլորովին ի վիճակի չէ վերադարձնելու վանահօրից ստացած 400,000 ոսկին:

«Այս բացատրութիւնը բոլորովին ցրեց կոմսի դժգոհութիւնը:

«Հայերը 30,000 Փլորինով դնեցին խորհրդական Ռիցցիի տունը, որտեղ եւ բնակուեցին, ուր ես էլ ժամանակ առ ժամանակ այցելում էի նրանց՝ առանց այլեւս Վենետիկի մասին խօսք բանալու»:

Այսպէս է պատմում իր յուշերում Կաղանովան դէպքերը եւ այդ դէպքերի մէջ իր խաղացած դերի մասին: Այստեղ կան որոշ ակնարկներ ճշմարտութեան, բայց, ի հարկէ, բնաւ ոչ ամբողջ ճշմարտութիւնը:

\* \* \*

Ինչպէս Կաղանովայի յուշերի բոլոր դէպքերը, այս եւս ենթարկուեց մանրազննին ըստուգման եւ հաստատուեց նրա իրական բնոյթը: